



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-296-3/24**

Datum: **04.07.2024. godina**

«Agencija za vodno područje rijeke Save» Sarajevo rješavajući po zahtjevu pravnog lica „TELEMACH BH“ d.o.o. Sarajevo za izdavanje vodne saglasnosti na projektnu dokumentaciju za prelazak trase optičkog kabla preko mosta na rijeci Spreči na području MZ Sižje i MZ Dobošnica, Grad Lukavac, na osnovu člana 109. stav 1. tačka 10., a u vezi sa članom 12. Zakona o vodama («Službene novine Federacije BiH», broj 70/06) i člana 200, stav 1. Zakona o upravnom postupku («Službene novine Federacije BiH», broj 2/98, 48/99, 61/22), **donosi:**

R J E Š E N J E **o vodnoj saglasnosti**

1. Pravnom licu „TELEMACH BH“ d.o.o. Sarajevo daje se prethodna vodna saglasnost za prelazak trase optičkog kabla preko mosta na rijeci Spreči na području MZ Sižje i MZ Dobošnica, Grad Lukavac a na osnovu projektne dokumentacije:
 - Glavni projekat za izradu optičke mreže u MZ Sižje i Dobošnica Grad Lukavac - Dio projekta Ukrštanje optičke mreže sa rijekom Sprečom, Maj 2024. godina urađen od „PGP HIDROINŽINJERING“ d.o.o., Tuzla.
2. Projektna dokumentacija navedena u tački 1. ovog rješenja ovjerena u skladu sa odredbama člana 114. stav (3) Zakona o vodama se vraća na trajno čuvanje investitoru i čini sastavni dio ovog rješenja.
3. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva koja čini sastavni dio ovog Rješenja, prema slijedećim uslovima:
 - 3.1. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkog ulja i sl.
 - 3.2. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.3. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
 - 3.4. Sve kolizije sa postojećim infrastrukturnim objektima (vodovod, elektroinstalacijama, telefon i sl.), na lokalitetu na kojem će se vršiti predmetni radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
 - 3.5. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 05-19-689/22 od 08.03.2024. godine, izdata od Službe za urbanizaciju, imovinske i geodetske poslove, Grad Lukavac.
4. Ukoliko izgradnjom predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Pravno lice je obavezno uzroke štete otkloniti, a procijenjenu štetu nadoknaditi.
5. U periodu važenja ovog rješenja, Investitor je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko iste nisu u suprotnosti sa uslovima iz ovog rješenja.
6. Ova vodna saglasnost prestaje da važi istekom roka od 2 (dvije) godine od dana njene pravosnažnosti, ukoliko do tog dana nije pribavljeno odobrenje za gradnju i započeti radovi.
7. Vodna saglasnost se može izmjeniti ukoliko za to nastupe razlozi utvrđeni u članu 130. stav 1. tačka 1., 2., 3. ili 4. Zakona o vodama («Službene novine Federacije BiH», broj 70/06).

Obrazloženje

Pravno lice „TELEMACH BH“ d.o.o. Sarajevo obratilo se dana 10.06.2024. godine ovoj Agenciji sa zahtjevom bez broja za izdavanje vodne saglasnosti na projektnu dokumentaciju za prelazak trase optičkog kabla preko mosta na rijeci Spreči na području MZ Sižje i MZ Dobošnica, Grad Lukavac.

U provedenom postupku dostavljena je i pregledana sljedeća dokumentacija:

- Ovjereni kopija Rješenja o izmjenama podataka broj: 065-0-Reg-20-003286 od 14.10.2020. godine izdato od Općinski sud u Sarajevu;
- Kopija Rješenja o prethodnoj vodnoj saglasnosti broj: UP-1/21-1-40-039-7/23 od 08.04.2023. godine izdato od Agencije za vodno područje rijeke Save, Sarajevo (prilog u Projektu);
- Kopija Rješenja o odobrenju broj: UP-1-02.3-23-255/23-MH od 11.12.2023. godina izdato od JP „Ceste Federacije BiH“ d.o.o., (prilog u Studiji);
- Glavni projekat za izradu optičke mreže u MZ Sižje i Dobošnica Grad Lukavac - Dio projekta Ukrštanje optičke mreže sa rijekom Sprečom, Maj 2024. godina urađen od „PGP HIDROINŽINJERING“ d.o.o., Tuzla;
- Dokaz o uplaćenju administrativnoj upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije uz predmetni zahtjev od strane stručnih osoba Agencije sačinjeno je Stručno mišljenje broj: UP-1/21-2-40-296-2/24 od 04.06.2024. godine kojim je utvrđeno da je dostavljena Investiciono-tehnička dokumentacija, Glavni projekat za izradu optičke mreže u MZ Sižje i Dobošnica Grad Lukavac - Dio projekta Ukrštanje optičke mreže sa rijekom Sprečom, Maj 2024. godina urađen od „PGP HIDROINŽINJERING“ d.o.o., Tuzla, urađena u skladu s uslovima utvrđenim prethodnom vodnom saglasnošću broj: UP-1/21-1-40-039-7/23 od 18.04.2023. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na isti.

Na osnovu naprijed navedenog, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova u skladu sa članom 114. Zakona o vodama i člana 7. Pravilnika o sadržaju, obliku, uvjetima, načinu izdavanja i čuvanja vodnih akata, riješeno je kao u dispozitivu rješenja.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

Remić Dž., dipl.iur.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.grad.

Dostaviti:

- „TELEMACH BH“ d.o.o., Sarajevo
- Ul. Džemala Bijedića 216., Ilidža (PRILOG: ovjeren PROJEKAT)
- AVP Sava, ISV-vodna knjiga,
- Sektor 40 – arhiva
- Oglasna tabla AVP Sava-Sarajevo



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-296-2/24**

Datum: **04.06.2024. godine**

STRUČNO MIŠLJENJE

U predmetu „TELEMACH BH“ d.o.o. Sarajevo za izdavanje Rješenja o vodnoj saglasnosti za prelazak trase optičkog kabla preko mosta na rijeci Spreči na području MZ Sižje i MZ Dobošnica, Grad Lukavac.

Na osnovu uvida u Glavni projekat za izradu optičke mreže u MZ Sižje i Dobošnica Grad Lukavac- Dio projekta Ukrštanje optičke mreže sa rijekom Sprečom, Maj 2024. godina urađen od „PGP HIDROINŽINJERING“ d.o.o., Tuzla utvrđeno je slijedeće:

Investitor „TELEMACH BH“ d.o.o., Sarajevo je pribavio Rješenje o urbanističkoj saglasnosti broj: 05-19-689/22 dana 08.03.2024. godine od Službe za urbanizaciju, imovinske i geodetske poslove, Grad Lukavac.

Projektna dokumentacija je urađena u skladu sa uslovima iz Rješenja o prethodnoj vodnoj saglasnosti broj: UP-1/21-1-40-039-7/23 od 18.04.2023. godine izdato od Agencije za vodno područje rijeke Save, Sarajevo.

Predmetni objekat je dio distribucionog kablovskog dvosmjernog hibridnog optičko-koaksijalnog (KDS) sistema za Lukavac koji služe za prijenos podataka kablovske TV, interneta, telefonije i sl.

Trasa kablovskog voda se ukršta sa rijekom Sprečom (k.č. 2051 i 2552) tj., prelazi mostovskom konstrukcijom u zaštitnoj kanalići Ø 100mm u pješačkoj stazi sa nizvodne strane mosta tako da je instalacija van domena VV-a ranga Q1/100 kao i van svijetlog gabarita mosta.

Trasa planiranog objekta kablovski distribicioni vod pripada slivu rijeke Spreče. Imajući u vidu vrstu kablovske instalacije, položaj i uslove plitke ugradnje može se konstatovati da kablovski vod neće negativno uticati na tok podzemnih voda. Kablovski vod nije planiran u blizini bilo kakvih izvorišta i zaštitnih zona izvorišta.

Na osnovu navedenog, smatram da se može dati vodna saglasnost na dostavljenu projektnu dokumentaciju -Glavni projekat za izradu optičke mreže u MZ Sižje i Dobošnica Grad Lukavac- Dio projekta Ukrštanje optičke mreže sa rijekom Sprečom, Maj 2024. godina urađen od „PGP HIDROINŽINJERING“ d.o.o., Tuzla. Investitor je u obavezi pridržavati se svih propisanih uslova.

Nihad Pezo, dipl.inž.građ.